

Fra: Øyvind Strømmen <oyvindstrommen@gmail.com>

Sendt: 26.08.2021 13:46:54

Til: Postmottak Samnanger <postmottak@samnanger.kommune.no>, Knut Harald Frøland <knut.harald.froland@samnanger.kommune.no>, Ingebjørg Vamråk <ingebjorg.vamrak@samnanger.kommune.no>

Kopi: Samningen <post@samningen.no>

Emne: Krav om lovlegkontroll

Krav om lovlegkontroll

I ekstraordinært møte i formannskapet 20. august motsette eit mindretal på 1/3 av dei møtande medlemene i formannskapet seg å handsama ei sak om tilsetjingsstopp i kommunen, då denne saka ikkje var sett på sakskartet, ikkje vart teke opp i samband med innkalling til møtet og heller ikkje var utgreidd. Saka vart då ikkje teke opp.

Laurdag 21. august vart dei faste medlemene i formannskapet varsla om at det ville bli kalla inn til eit ekstraordinært møte måndagen etter. Den formelle innkallinga - til eit møte kl. 12 måndag 23. august - vart ikkje sendt før nær kl. 0930 den same måndagen. Saka var då sett på dagsorden, med ordførar sjølv som sakshandsamar, men det vart i innkalling ikkje presentert nokon gjennomgang av saka og heller ikkje noko framlegg til vedtak.

Kommunelova §32 - 2 sler fast at innkalling til møter skal sendast "organets medlemmer ved høvelig varsel", og at dei skal "inneholde en oversikt over de saker som skal behandles". Underteikna kommunestyrerepresentantar si vurdering er at ei innkalling 2 1/2 time før møtestart ikkje kan reknast som "høvelig varsel". Kommunelova §32 - 3 sier vidare at saklista til møte og andre dokument som ikkje er unnateke offentlegheit skal vera tilgjengeleg for ålmenta. Underteikna stiller spørsmål ved om dette kan reknast som gjort, når det ikkje ligg ved noko saksgrunnlag til den eine saka på saklista. I same paragraf heiter det også at "møte i folkevalgte organer skal kunngjøres på hensiktsmessig måte". Underteikna stiller spørsmål ved om dette møtet vart kunngjort på ein måte som er i tråd med lovverket.

På denne bakgrunn set underteikna kommunestyrerepresentantar med dette fram krav om lovlegkontroll, jf. kommunelova §59, av kor vidt det ekstraordinære formannskapsmøtet 23. august var lovleg innkalla.

mvh

Shirin Kvernes Khadoor, Arbeidarpartiet
Øyvind Strømmen, Miljøpartiet Dei Grøne
Arild Røen, Høgre